

四庫全書

史部

## 欽定四庫全書

## 欽定歷代職官表卷十三

刑部表

[illegible]

刑部左右侍郎

秋景  
司寇  
大夫

小司徒  
上大夫

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

司寇  
常伯  
秋官  
郎

郎

郎

郎

郎

郎

郎

郎

郎

郎

郎

郎

郎

郎

郎

郎

郎

郎

郎

右伊勒  
希也  
知左伊  
勒希也  
知右伊  
勒希也  
事

郎

郎

郎

郎

郎

郎

郎

郎

郎

郎

郎

郎





刑部十八司主事

妖

冠振下

士

司馬下

士

尚書主都日主

事本史事

稅量二千石

鴉片

比鄰生

— 3 —

刑部主刑部主

事  
事

都官主

事

北都主

事

刑部主

●

都官生

事

比部主



刑部主

事

— 20 —

**TABLE 1**

1000

doi:10.1371/journal.pone.0142011.g001

浙江江

西湖廣

陝西 廣東

東山  
福建

南山西

四川廣

卷一

三青史

司

1







官各館例律使大庫司庫罰賦

司刑中  
士  
司刺下

魏  
定科郎

刪定郎

司刺上  
士  
司刺下

刪定使

刪定所  
提舉  
初令所  
保案官  
勅令所  
刪定官

司提所刪  
提領所刪  
同提領所刪  
校

刑部

國朝官制

刑部尚書滿洲漢人各一人

掌折獄審刑簡核法律受天下奏讞咸閱實而上  
其辭以肅邦憲所屬有直隸奉天江蘇安徽江西  
福建浙江湖廣河南山東山西陝西四川廣東廣  
西雲南貴州督捕十有八司

國初刑部設滿洲承政二員蒙古承政一員漢人承

政二員叅政八員啟心郎一員崇德三年改設承  
政一員左叅政二員右叅政三員順治初定設滿  
洲漢人尚書各一員七年增置滿洲尚書一員十  
年仍省雍正十二年以來親王郡王及大學士奉  
命管理部務皆由

特簡無常員

左右侍郎滿洲漢人各一人

掌迪播祥刑以貳尚書順治元年定額

直隸清吏司郎中滿洲漢人各一人員外郎滿洲一人  
蒙古一人漢人二人主事滿洲漢人各一人

掌順天直隸及八旗游牧察哈爾左翼

正黃東半旗鑲黃正

白鑲白正藍四旗

所屬刑名初為右現審司乾隆二年改

置直隸司設官如今額

謹案初制刑部設江南等十四司康熙三十八  
年增置督捕前後司為十六司雍正元年增置  
左右二現審司凡囚繫之待讞者則主其訊鞫

之事十一年析江南司為江蘇安徽二司併督  
捕前後司為一乾隆二年改右現審司為直隸  
司七年復改左現審司為奉天司始定為十八  
司司屬初置理事官六員副理事官八員順治  
元年改定滿中郎中六人員外郎八人主事十  
有四人漢軍郎中四人員外郎十有二人漢人  
郎中員外郎主事每司一人五年增置滿洲郎  
中八人員外郎十人十五年省漢人員外郎主

事各四人十八年增置蒙古員外郎八人康熙  
元年仍省五十七年增置蒙古郎中員外郎主  
事各一人雍正三年復置漢人員外郎主事各  
四人五年罷漢軍員額增漢人郎中三人員外  
郎一人其續置各司員額亦俱隨時增設凡額  
官闕則總其數三分計之以其二牒吏郎除授  
而留其一由堂官遴選奏請擢補焉

奉天清吏司郎中蒙古一人漢人一人員外郎滿洲漢

人各一人主事滿洲漢人各一人

掌

盛京黑龍江吉林將軍及奉天府所屬刑名兼宗人府理藩院文移關白之事初為左現審司乾隆七年改置奉天司設官如今額

江蘇清吏司郎中滿洲漢人各一人員外郎滿洲二人漢人一人主事滿洲漢人各一人

掌江蘇所屬刑名凡奉

德音肆青則審定其條格而頒之於四方初為江南司

雍正十二年析置江蘇及安徽二司設官如今額

安徽清吏司郎中滿洲漢人各一人員外郎滿洲漢人各一人主事滿洲漢人各一人

掌安徽所屬刑名兼鑲紅旗文移關白之事雍正十二年以江南司析置設官如今額

江西清吏司郎中滿洲漢人各一人員外郎滿洲漢人各一人主事滿洲漢人各一人



掌江西所屬刑名兼正黃旗中城御史文移關白之事

福建清吏司郎中滿洲漢人各一人員外郎滿洲漢人各一人主事滿洲漢人各一人

掌福建所屬刑名兼戶部戶科倉場衙門左右兩翼鑲藍旗文移關白之事

浙江清吏司郎中滿洲漢人各一人員外郎滿洲一人漢人二人主事滿洲漢人各一人

掌浙江所屬刑名及都察院刑科南城御史文移  
闕白之事兼司本部條奏彙題及各司爰書駁正  
者會其成比年一奏

湖廣清吏司郎中滿洲一人漢人二人員外郎滿洲二  
人漢人一人主事滿洲漢人各一人

掌湖北湖南所屬刑名

河南清吏司郎中滿洲漢人各一人員外郎滿洲二人  
漢人一人主事滿洲漢人各一人

掌河南所屬刑名兼禮部禮科太常寺光祿寺鴻臚寺國子監欽天監太醫院東城御史正紅旗文移關白之事凡夏令熱審則布告各司頒行天下  
欽卹如制

山東清吏司郎中滿洲漢人各一人員外郎滿洲二人漢人一人主事滿洲漢人各一人

掌山東所屬刑名兼兵部兵科太僕寺文移關白之事凡步軍營捕獲盜窩歲登其數請叙

山西清吏司郎中滿洲漢人各一人員外郎滿洲漢人各一人主事蒙古一人漢人一人

掌山西及八旗游牧察哈爾右翼

正黃西半旗正紅鑲紅鑲藍三

旗定邊左副將軍綏遠城將軍歸化城副都統科

布多大臣庫倫大臣所屬刑名兼軍機處內閣翰

林院詹事府

起居注館內務府上駟院武備院鑲白旗北城御史

文移關白之事

陝西清吏司郎中滿洲一人漢人二人員外郎滿洲二人漢人一人主事滿洲漢人各一人

掌陝西甘肅及伊犁烏魯木齊塔爾巴哈台葉爾羌喀什噶爾烏什阿爾蘇庫車土爾番哈爾沙爾和闐哈密所屬刑名兼大理寺西城御史文移關白之事並稽覆囚糧出納俾無侵冒

四川清吏司郎中滿洲漢人各一人員外郎滿洲漢人各一人主事滿洲漢人各一人

掌四川所屬刑名兼工部工科文移關白之事秋  
審則會九卿詹事科道於朝房以定爰書

廣東清吏司郎中滿洲漢人各一人員外郎滿洲二人  
漢人一人主事滿洲漢人各一人

掌廣東所屬刑名兼鑒儀衛正白旗文移關白之  
事

廣西清吏司郎中滿洲漢人各一人員外郎滿洲漢人  
各一人主事滿洲漢人各一人

掌廣西所屬刑名兼通政使司文移關白之事及  
以時散給囚衣

朝審則會九卿詹事科道於朝房以定爰書

雲南清吏司郎中滿洲漢人各一人員外郎滿洲漢人  
各一人主事滿洲漢人各一人

掌雲南所屬刑名兼廂黃旗文移關白之事

貴州清吏司郎中滿洲漢人各一人員外郎滿洲漢人  
各一人主事滿洲漢人各一人

掌貴州所屬刑名兼吏部吏科正藍旗文移關  
白之事

督捕清吏司郎中滿洲漢人各一人員外郎滿洲一人  
主事滿洲漢人各一人

掌八旗及各省駐防逃人之事初隸兵部督捕衙  
門康熙三十八年始以督捕前後司及督捕廳改  
隸刑部雍正十二年罷督捕前司及督捕廳併其  
事於後司仍省後字但曰督捕司



堂主事滿洲五人漢軍一人

掌文案者滿洲二人掌章奏者滿洲三人漢軍一人俱順治元年定額

司務廳司務滿洲漢人各一人

順治元年定額掌巡察出入約束胥隸凡直省解囚投文登其數給以批迴訟者收其狀呈堂分司聽之

筆帖式滿洲百有五人蒙古四人漢軍十有五人

滿洲筆帖式初置九十六人後增置九人蒙古筆

帖式乾隆二年置漢軍筆帖式初置十有九人後

省四人俱分隸各司視事之繁簡以為額

職事見吏部篇

提牢主事滿洲漢人各一人北所司獄滿洲二人漢軍

漢人各一人南所司獄滿洲二人漢軍漢人各一人

從九

品

主事掌稽覈罪囚於額外及試俸主事內掄選引

見補充歲周更代咨吏部議叙司獄分掌南北監禁督

禁卒更夫晝夜巡警凌虐需索者問如法順治元年置漢軍漢人司獄四人康熙五十一年增置滿洲司獄四人三年而代咨吏部叙陞如例又置官醫二人分隸南北所以療囚之疾病

賊罰庫司庫滿洲一人庫使滿洲二人

掌收見審賊罰銀錢會其數以送戶部順治元年置額

律例館總裁無定員提調官一人纂修官四人收掌官

四人繙譯官四人謄錄官六人

掌修明法令刊定條式隨時審訂以詔有司設館  
西長安門外總裁以本部尚書侍郎兼之提調纂  
修官以本部司員充收掌繙譯謄錄官以本部筆  
帖式充凡歲五周則彙輯而排次之謂之小修比  
十年迺重編新格增損刪定勒為憲典頒行天下  
謂之大修皆月給餐錢期年而畢初順治二年特  
置律例館

勅修律官撰定律書四年書成名曰大清律集解附例其  
後次第刊修皆

特簡王大臣為總裁以各部院通習法律者為提調纂修  
等官凡額設十有八人乾隆七年始以其館併隸  
刑部復改定員額如今制焉

謹案定制錄直省獄囚曰秋審錄刑部獄囚曰  
朝審歲以八月刑部會九卿詹事科道於

天安門外金水橋西公閱其爰書而覈定之初以

四川廣西兩司分掌案牘雍正十二年始別選  
司屬滿洲漢人各二員主其事曰總辦秋審處  
尋佐以協辦者四員歲滿則交替乾隆十九年  
以後凡核直省審冊辦實緩矜疑之當否以白  
於長官皆以總辦司員任之先後增至十六人  
學習者無定員其職雖出堂官掄派而專司秋  
讞所繫綦重謹識於此

歷代建置

三代

尚書舜典帝曰皋陶蠻夷猾夏寇賊姦宄汝作士  
五刑有服五服三就五流有宅五宅三居惟明克  
允

謹案虞廷以皋陶為士孔穎達謂即周禮之士  
師鄭康成云士察也主察獄訟之事三代刑名  
其源蓋本於此然考漢書胡建傳引黃帝李法  
蘇林曰獄官名也顏師古曰李者法官之號總

主征代刑獄之事是其官已起於黃帝時故孔  
安國傳以士為理官鄭康成禮記月令註則云  
有虞氏曰士夏曰大理周曰大司寇雖稱名不  
同其實一也自周官既廢秦漢乃專置廷尉大  
理以主刑獄至隋唐復設刑部以當周司寇之職  
而大理仍並置不廢其職名遂分為二矣今以  
周秋官之屬及歷代尚書諸曹繫諸刑部表內  
而理官沿革則別載入大理寺篇名實相承庶



有條而不紊焉

孔顏達禮記疏鄭注大傳夏書所謂六卿有作士  
謹案尚書言汝作士者乃指臯陶為士師之官  
與上文伯禹作司空汝作司徒同義並非以作  
士兩字為官名王莽妄引經義改大理曰作士  
水衡都尉曰朕虞殆於不識句讀康成乃以亡  
新官號傳會夏官此漢人說經之陋不足據也  
尚書洪範三八政六曰司寇

禮記曲禮天子之五官曰司寇鄭康成注此殷時制也

謹案箕子陳禹九疇而稱司寇之官此可考見夏殷之制實有此職曲禮鄭注所云並非鑿空矣

尚書周官司寇掌邦禁詰姦慝刑暴亂

春秋左氏傳昔周克商使諸侯撫封蘇忿生以溫為司寇

春秋左氏傳康叔為司寇

孔安國書傳司寇第五衛侯為之

尚書序呂命穆王訓夏贖刑作呂刑

孔安國傳呂侯見命為天

子司寇後為甫侯故稱甫刑

謹案司寇本李官管子五行篇昔者黃帝得六

相而天地治又云春者土師也夏者司徒也秋

者司馬也冬者李也蓋李即周之司寇荀子曰防

三年左氏傳魏絳曰請歸死於司寇荀子曰防

淫除邪戮之以五刑使暴悍以變姦邪不作司

寇之事也。此雖春秋戰國猶存周禮舊名。顧其  
時稱名亦多錯雜。呂氏春秋管子復於桓公曰  
平原廣城。車不結軌。士不旋踵。鼓之三軍之士  
視死如歸。臣不若王子城父。請置以為大司馬。  
決獄折中。不殺不辜。不誣無罪。臣不若弦章。請  
置以為大李。注大李治獄官。以大李對大司馬。  
則大李之為大司寇明矣。淮南子天文訓何謂  
五官。東方為司馬。西方為理。北方為

司空中央為都南方既為司馬北方既為司空  
則西方之理即為司寇明矣其以理為司寇與  
呂覽同皆舉三代以前之官名周官也至商子  
慎法篇天子置三法官殿中置一法官御史置  
一法官及吏丞相置一法官所謂殿中置一法  
官不知何官其云殿中則又與司寇職掌不合  
至司寇於周為秋官而管子五行篇以司馬為  
秋官李為冬官均異周制百家殊說不合經典

姑識於此以備參考焉

周禮秋官刑官之屬大司寇卿一人小司寇中大夫二人士師下大夫四人鄉士上士八人中士十有六人旅下士三十有二人府六人史十有二人胥十有二人徒百有二十人遂士中士十有二人府六人史十有二人胥十有二人徒百有二十人縣士中士三十有二人府八人史十有六人胥十有六人徒百有六十人方士中士十有六人府八

人史有十六人胥十有六人徒百有六十人誨士  
中士八人府四人史八人胥八人徒八十人司刑  
中士二人府一人史二人胥二人徒二十人司刺  
下士二人府一人史二人徒四人司厲下士二人  
史一人徒十有二人司園中士六人下士十有二  
人府三人史六人胥十有六人徒百有六十人掌  
囚下士十有二人府六人史十有二人徒百有二  
十人掌戮下士二人史一人徒十有二人司隸中

士二人下士十有二人府五人史十人胥二十人  
徒二百人大司寇之職掌建邦之三典以佐王刑  
邦國詰四方以五刑糾萬民凡諸侯之獄訟以邦  
典定之凡卿大夫之獄訟以邦灋斷之凡庶民之  
獄訟以邦成弊之小司寇之職以五刑聽萬民之  
獄訟附於刑用情訊之至於旬乃弊之以八辟麗  
邦灋附刑罰以三刺斷庶民獄訟之中士師之職  
掌國之五禁之灋以左右刑罰察獄訟之辭以詔



司寇斷獄弊訟致邦令掌士之八成鄉士掌國中  
各掌其鄉之民數而糾戒之聽其獄訟察其辭辨  
其獄訟異其死刑之罪而要之旬而職聽於朝司  
寇聽之斷其獄弊其訟於朝羣士司刑皆在各麗  
其灋以議獄訟獄訟成士師受中協日刑殺肆之  
三日若欲免之則王會其期遂士掌四郊聽其獄  
訟二旬而職聽於朝縣士掌野聽其獄訟三旬而  
職聽於朝方士掌都家聽其獄訟之辭三月而上

獄訟於國訝士掌四方之獄訟諭罪刑於邦國四方有亂獄則往而成之司刑掌五刑之灋以麗萬民之罪司刺掌三刺三宥三赦之灋以贊司寇聽獄訟司厲掌盜賊之任器貨賄辨其物皆有數量賈而揭之入於司兵其奴男子入於罪隸女子入於舂槩司圜掌收教罷民掌囚掌收盜賊掌戮掌斬殺賊謀而搏之凡殺其親者焚之殺王之親者辜之凡殺人者踣諸市肆之三日刑盜於市凡罪

之麗於灋者亦如之司隸掌五隸之灋辨其物而掌其政令

謹案周禮諸官列職紛繁以今六部之制相準不能一一脗合惟秋官專掌獄訟自士師以迄司隸皆理刑之官故與今刑部職掌相符者為最多如士師為士官之長而其下有鄉士以主六鄉之獄有遂士以主六遂之獄有縣士以掌外野之獄有方士以掌都家之獄有誨士以掌

四方諸侯之獄皆隨地設官以治之今之按省  
分司以治庶獄者正同此意至司刑司刺掌五  
刑三刺之法以詔司寇則如今之律例館秋審  
處司園掌囚掌戮則如今之提牢廳司獄司而  
司隸掌五隸司屬掌罪隸即唐宋都官郎中員  
外郎所自出雖其職已散入各司然亦刑部所  
有事也惟唐宋司門郎中員外專掌門閤往來  
之籍賦唐六典以地官司門之職當之自明以

來其職事併入戶兵二部久不隸於刑部今仍載司門一曹以存沿革而不復遠溯周制用符其實云

唐六典刑部尚書周之秋官卿也侍郎周之秋官小司寇中大夫也周禮大司寇屬官有士師下大夫蓋郎中之任也有司屬下士蓋郎官員外郎之任也

漢

杜佑通典漢成帝時尚書初置二千石曹主郡國

二千石又置三公曹主斷獄後漢光武改三公曹

主歲盡考課諸州郡政二千石曹掌中都官水火

盜賊詞訟罪法亦謂之賊曹重於諸曹

華譚集尚書二曹論

曰劉道貞謂漢氏重賊曹為是吳晉重吏部為非

薛君曰君何是古而非今劉難曰賊曹職典刑獄

刑獄難精是以欲重之答曰今之賊曹不能聽聲

觀色以別真偽縣不能斷獄之尚書也夫在獄者

率小人在朝者率君子小人易檢君子

難精俱不得已吏部宜重賊曹宜輕也

冊府元龜漢有大獄則令雜治如王嘉致都船詔

獄使將軍以下與二十石雜治之類也其次即令就問如廷尉請捕衡山王遣中尉大行即問之類也其當罪又令雜議如淮南王所犯不軌丞相御史宗正廷尉雜奏又詔列侯吏二千石議是也

漢書百官公卿表宗正有都司空令丞

如淳曰漢儀注主罪人

少

府有若盧令丞

如淳曰漢儀注有若盧獄令

中尉有都船令丞

如淳曰漢儀注有都船獄令

後漢書和帝本紀永元九年復置若盧獄官

謹案漢書宣帝紀遣使者分條中都官獄師古

曰中都官凡京師諸官府也後漢志稱孝武帝

以下置中都官獄二十六所各令長名今以紀

傳核之其可考見者如宗正所屬有都司空獄

實嬰傳劾繫都司空伍被傳內官獄東方朔傳  
偽為左右都司空詔獄書獄繫內官

少府所屬有導官獄張湯傳具弟繫導官師古  
曰或罹寄在此非本獄所

若盧獄李賢後漢書注若盧考工獄劉輔傳繫  
獄主鞠將相大臣共工獄蘇

林曰考居室獄灌夫傳繫居室後故保掖庭獄  
工也宮李陵母繫保宮是也



師古曰漢舊儀掖庭

暴室獄

師古曰暴室職務既多因為置獄主

詔獄今丞官者為之治罪人故往往云

中尉所屬有都船獄

說見後

暴室獄然非獄名

如淳曰漢儀注

郡邸獄

師古曰漢

舊儀郡邸獄治天下郡

當時皆謂之詔獄各置

令丞等官其罪人就繫者則謂之中都官囚徒

劉屈氂傳發長安中都官囚徒

而廷尉專掌刑法獨不聞有獄

官考王嘉傳嘉得罪有詔假謁者節召丞相詣

廷尉詔獄嘉隨使者詣廷尉廷尉收嘉丞相新

甫侯印綬縛嘉載盡都船詔獄是嘉當下廷尉  
詔獄而廷尉乃縛送都船足知當日中都官諸  
獄皆以繫廷尉罪人故本署轉無專獄薛宣傳  
載宣為廷尉書佐都船獄吏亦可見諸獄皆屬  
廷尉故吏職得互相遷補也後漢惟廷尉及雒  
陽有獄而和帝復置若盧獄官不言所屬考安  
帝紀永初二年皇太后幸雒陽寺及若盧獄錄  
囚徒賜河南尹廷尉卿及官屬有差雒陽屬河

南則若盧亦當屬廷尉矣今廷尉沿革雖已別載大理寺表而獄制專隸刑部故取都司空若盧都船三令丞繫之於此以著提牢司獄設官之權輿又二千石曹初主郡國二千石三公曹後故主考課今據其職掌亦互見吏部表內云

三國

鄭樵通志魏青龍二年置都官郎掌刑法獄訟之事

冊府元龜魏置定科郎主定法令法官郎主軍事刑

獄

定科又作定課

太平御覽何貞奏許都賦明帝奇之擢為都官郎  
中

晉書職官志魏尚書有二千石郎

孫逢吉職官分紀魏尚書郎有比部

謹案前代法令之書在漢以後有二曰律令諸  
家漢書注所引有漢律又有令甲令乙令丙杜

周傳云前主所是著為律後主所是疏為令是  
也在唐有四曰律令格式新唐書刑法志謂令  
者尊卑貴賤之等數國家之制度格者百官有  
司所常行之事式者具所常守之法凡邦國之  
政必從事於此三者其有所違及人之為惡而  
入於罪戾者一斷以律是也在宋亦有四曰敕  
令格式乃沿唐之舊而自律以外又增敕為四  
也叅稽厥制律為律之正文而勅令格式則如

今各部院衙門之則例歷代統其事於刑曹凡  
罪人之麗辟及職官之案劾者皆據此平決蓋  
今刑部之議罪與吏兵二部之議處其職掌本  
同在法官晉書刑法志載裴頠奏有尚書免皆  
在法外刑書之文有限舛違之故無方故有臨時  
議處  
今案贖承用之議處  
二字其源實始於此之文誠不能皆得循  
常云云此罰至罷免亦由刑官議處之明證隋  
唐始於吏部置考功一曹而所司惟考績黜陟

之令其他論劾仍不與焉唐六典稱九品已上  
犯除免官者大理詳而質之以上刑部是其事  
尚在法官至明以內外彈章付之考功定擬武  
官功過亦歸武選於是官司過失至革職以下  
者其核議之事乃悉屬吏兵二部而不在法司  
矣今以定科刪定兩郎專掌修定法令

隋志載陳沈洙

以議獄不同請牒送刪定曹詳改前制即如今之纂入則例

實兼有今刑部

律例館吏兵二部則例館之任故既載入吏部

篇而仍互見於此至比部郎起自曹魏而唐以後則專司勾覆倉庫出納百官俸料乃如今戶科給事中及江南道御史之磨勘註銷並不預刑名之事其職久與刑部無涉顧炎武曰知錄云周禮小司寇三年大比則受邦國之比要註大比謂使天下更簡閱民數及其財物也唐時刑部有刑比都官司門四曹唐書職官志比部掌周知內外之經費而總勾之楊炎傳天下財賦



皆納左藏庫尚書比部覆其出入宋史職官志  
比部掌勾覆中外帳籍考其陷失而理其侵負  
山堂考索會計逋欠每三月一比謂之比部故  
昔人有刑罰與賦歛相為表裏之說今四曹改  
為十三司而財計之不關刑部久矣乃猶稱郎  
官為比部何耶炎武之說誠為詳核然考宋隋  
二志皆稱比部主法制則比字當亦取律例相  
比況之義如漢志所云決事比者盖自唐以後

始失其職耳今以歷代皆屬刑部故仍繫之於  
表而具論其職掌之不同者如右

晉

通典晉復置三公尚書掌刑獄

唐六典晉太康中省三公尚書以吏部尚書兼掌

刑獄

晉書職官志晉受命置三公比部都官二千石曹

郎

宋書百官志晉西朝則有三公比部都官曹郎

謝維新合璧事類魏有定科郎晉賈充定律令以

裴楷為之

謹案晉書職官志稱武帝罷定課郎

郎即定而謝

維新乃謂晉時裴楷為之頗不相合今考楷本

傳其為定科郎尚在魏世至晉初定律令時則

楷已為散騎侍郎維新誤以為晉事蓋失於詳

檢也

唐六典晉令有獄左右丞各一人

宋

宋書百官志宋高祖初增都官尚書太祖元嘉十八年增刪定曹郎蓋魏世之定科郎也吏部尚書領刪定三公比部曹都官尚書領都官曹比部主法制都官主軍事刑獄

通典宋三公比部皆主法制

南齊書百官志吏部尚書領刪定三公比部曹都

官尚書領都官曹

隋書百官志梁尚書省置都官尚書刑定三公比部都官等郎陳承梁皆循其制官

唐六典宋齊並以三公郎曹掌刑獄置郎中一人梁陳因為侍郎梁陳又置獄丞二人第七品

謹案三公曹後漢雖改主考課而自晉以迄南北朝則仍為主刑獄之官其屬之吏部者蓋以太康省三公尚書以吏部尚書兼掌刑法故三

公曹郎亦歸其統轄也至二千石郎晉南渡後已罷不置史亦不詳其職掌而當時去漢未遠建置當必相同今並繫之於表云

北魏

通典後魏亦有都官尚書

唐六典獄丞後魏亦二人

魏書官氏志獄掾從第七品下

謹案後漢惟和帝置有若盧獄官而廷尉雒陽

縣獄官皆不見於史唐六典始載晉置獄丞梁  
陳因之魏書亦載魏置獄掾為從七品其後歷  
代多設是官屬於廷尉蓋當時六曹未有定制  
廷尉尚當秋官之職故也今大理寺已不置獄  
前代所為廷尉獄官其職久已歸入刑部故析  
繫於此以脩提牢司獄之沿革焉

北齊

隋書百官志後齊置都官尚書統都官

掌畿內非  
違得失事

二千石

掌畿外得失等事

比部

掌詔書律令勾檢等事

曹都官二千

石比部各量事置掌故主事員

唐六典三公郎曹掌刑獄北齊置郎中二人

通志北齊有三公曹掌諸曹囚帳斷罪赦日建金

鷄等事屬殿中尚書

冊府元龜北齊獄丞掾各二人

後周

通典後周官品正七命大司寇正六命小司寇上



大夫正五命秋官刑部中大夫正四命秋官小刑  
部司隸等下大夫正三命秋官小刑部司刺鄉法  
遂法稍法縣法畿法小司隸等上士正二命秋官  
司刺鄉法遂法稍法縣法畿法掌囚司厲掌罪隸  
掌夷隸掌蠻隸掌戎隸掌狄隸掌徒等中士正一  
命秋官小刑部掌囚司厲掌夷隸掌蠻隸掌戎隸  
掌狄隸掌徒等下士

冊府元龜後周刑部中大夫掌五刑之法附萬民

之罪

馬端臨文獻通考後周有司隸下大夫掌五隸及徒者捕盜賊囚執之事

謹案周官司隸掌五隸之法本主罪人自漢武帝襲其名置司隸校尉使持節從中都官徒千二百人捕巫蠱督大姦猾後又令察三輔三河弘農乃全與周制不合今按其職掌已別繫之步軍統領衙門表內惟後周所置依仿周官復

掌罪徒與漢魏以下司隸之職又殊故仍載入  
刑部沿革焉

隋

隋書百官志高祖受命置都官尚書統都官侍郎  
二人刑部比部侍郎各一人司門侍郎一人尋改  
都官尚書為刑部尚書煬帝即位六曹各置侍郎  
一人以貳尚書之職諸曹侍郎並改為郎又改刑  
部為憲部郎以異侍郎之名

通典隋初有都官尚書開皇三年改都官為刑部亦因後周之名

唐六典隋置獄掾八人

謹案今刑部之名肇於後周定於隋世歷代相沿未之有改溯其本始即南北朝之都官尚書也但考列史所載都官一曹自魏晉以後皆掌京師及畿外得失非違等事頗似漢之司隸而並無斷獄議罪之責故六典以為非唐時都官

之任推原其故蓋由魏晉諸朝尚書各曹尚不  
依六官分職故刑名政令自大理以外八座則  
以三公吏部尚書主之郎官則以三公郎中主  
之而或領於吏部或領於殿中隸屬叅差本無  
定制隋文帝改都官尚書為刑部而省三公郎  
不設於是三公舊職遂悉歸於刑部曹又以都  
官郎改掌簿錄配沒官私奴婢并良賤訴競俘  
囚之事弼教之任自是始專之刑部矣今以刑

部出自都官建置相因源流有在故仍繫之於  
表而附著其異同於此

# 唐

新唐書百官志刑部尚書一人正三品侍郎一人  
正四品下掌律令刑法徒隸按覆讞禁之政其屬  
有四一曰刑部二曰都官三曰比部四曰司門  
刑部郎中員外郎掌律法按覆大理及天下奏讞  
為尚書侍郎之貳凡刑法之書有四一曰律二曰

令三曰格四曰式凡鞠大獄以尚書與御史中丞  
大理卿為三司使凡國有大赦集囚徒於闕下以  
聽○都官郎中員外郎掌俘隸簿錄給衣糧醫藥  
而理其訴免○比部郎中員外郎掌勾會內外賦  
歛經費俸祿公廨勲賜贖贖徒役課程逋欠之物  
及軍資械器和糴屯收所入京師倉庫三月一比  
諸司諸使京都四時勾會於尚書省以後季勾前  
季諸州則歲終總勾焉○司門郎中員外郎掌門

關出入之籍及闌遺之物

謹案今制以刑部都察院大理寺為三法司其名始自明代而實昉於唐之三司使其時有大獄則以刑部御史臺大理寺為三司使以鞠之

謂之大三司使

見合璧事類

若三司所按非其長官

則侍御史與刑部郎中員外郎大理司直評事

往訊之謂之小三司使

見唐職林

今凡刑部重辟囚

先以御史大理左右寺官會刑曹察其辭辨其



死刑之罪而要之曰會小三法司及致辭於長  
官都御史大理卿廼詣刑部與尚書侍郎會聽  
之各麗其法以議獄曰會大三法司蓋即其遺  
意也唐自中葉以後史傳所紀獄事多云三司  
按鞠皆指臺省寺三官而言唐六典又云三司  
謂御史大夫中書門下與史不符此殆開元以  
前之初制新唐書刑法志肅宗時陳希烈等獄  
以三司使劾治而通鑑所載乃御史大夫崔罷

禮部尚書李峴兵部侍郎呂諲為之亦不及刑  
部大理則以峴等本出西臺遷官以後仍令領  
三司之事耳又案魏文帝黃初六年收鮑勛付  
廷尉廷尉法議正刑五歲三官駁依律罰金胡  
三省通鑑注三官廷尉正監平也冊府元龜梁  
置建康縣獄三官以尚書郎為之冠服同廷尉  
三官元會廷尉三官與建康三官皆法冠皂衣  
朝服以監東西中華門據此則執法之官以三

為數其來已久又不僅始自唐時矣

舊唐書職官志龍朔二年改刑部為司刑都官為  
司僕比部為司計尚書為太常伯侍郎為少常伯  
郎中為大夫咸亨元年依舊光宅元年改刑部為  
秋官垂拱三年加秋官侍郎一員神龍元年詔官  
名並依永淳以前故事天寶十一載改刑部為憲  
部比部為司計至德二載仍舊

謹案天寶中改刑部為憲部凡行內諸司之稱

部者並改之以避六部之名舊唐志所載甚詳  
新唐志乃謂改刑部為司憲是誤以龍朔所改  
御史大夫之名屬之刑部非也

唐六典刑部主事四人令史十九人書令史三十  
八人亭長六人掌固十人都官主事二人令史九  
人書令史十二人掌固四人比部主事四人令史  
十四人書令史二十七人計史一人掌固四人司  
門主事二人令史六人書令史十三人掌固四人

○獄丞四人從九品下以流外入仕者為之

舊唐書嚴郢列傳郢兼御史中丞御史臺奏天下斷獄自徒以下結竟者並徙置邊州郢駁奏請下刪定使詳覆然後施行從之

謹案刪定使之名職官志不載僅見於此蓋因纂集律令隨時所置之官猶今之律例館總裁也

五季

五代會要後唐長興二年八月二十九日勅刑部  
大理寺宜各置法直官兩人仍召曉法令者充晉  
天福三年三月詳定院奏前守晉州洪洞縣主簿  
盧榮進策伏以刑獄至重朝廷所難尚書省分職  
六司天下謂之會府諸道決疑若闕人命即刑部  
不合不知欲請諸州府凡斷大辟罪人訖逐季將  
有無申報刑部仍具錄案款事節并本判官馬步  
都虞候司法叅軍法直官馬步使判官名銜申聞

或有案內情由不圓刑部請行勘覆從之

謹案盧祭進策請諸州府斷大辟罪人申報刑部仍具錄案款事節然則前此諸道州府大辟案款未嘗申報刑部矣唐刑部郎中員外郎掌集天下奏讞而五代時州府大辟案款至不申報刑部於此見五代之廢弛也

冊府元龜後唐同光二年刑部尚書盧質長興二年刑部郎中周知微四年刑部侍郎任贊晉天福

元年刑部郎中鄭觀六年刑部員外郎李象周廣  
順元年刑部員外郎曹匪躬

謹案五季官制史志不詳今據冊府元龜所載  
畧採一二以見刑曹建置亦多仍唐舊也冊府  
元龜又載後唐同光元年御史臺奏當司刑部  
大理寺本朝法書自朱溫刪改今見在三司叢  
貯刑書並是偽廷之制云云周顯德五年中書  
門下奏三司臨時條法望令刪集送中書門下



詳議聞奏云云是五季亦以刑部御史臺大理  
寺為三司並同唐制矣

宋

宋史職官志刑部掌刑法獄訟奏讞赦宥叙復之  
事凡斷獄本於律律所不該以敕令格式定之禁  
於未然之謂令施於已然之謂勅設於此而使彼  
至之之謂格設於此而使彼效之之謂式皆閱其  
案狀傳例擬進其屬三曰都官曰比部曰司門設

官十有一尚書一人侍郎二人郎中員外郎刑部  
各二人都官比部司門各一人國初以刑部覆大  
辟案淳化二年增置審刑院知院事一人以郎官  
以上至兩省充詳議官以京朝官充掌詳讞大理  
所斷案牘而奏之大中祥符二年置糾察刑獄司  
糾察官二人以兩制以上充凡在京刑禁徒以上  
即時以報若理有未盡或置淹恤追覆具案詳正  
而駁奏之凡大辟皆錄問元豐三年八月詔省審

刑院歸刑部以知院官判刑部掌詳議詳覆司事  
刑部主判官為同判刑部掌詳斷司事審刑議官  
為刑部詳議官官制行悉罷歸刑部元祐元年省  
比部郎官一員以都官兼司門五月三省言舊制  
糾察在京刑獄以察違慢自罷歸刑部無復申明  
糾舉之制請以御史臺刑察兼領其御史臺刑獄  
今尚書省右司糾察從之紹聖元年詔都官司門  
互置郎官一員崇寧二年十二月詔刑部尚書通

治左右曹侍郎一治左曹一治右曹如獨員即通  
治○尚書掌天下刑獄之政令凡麗于法者審其  
輕重平其枉直而侍郎為之貳應定奪審覆除雪  
叙復移放則尚書專領之制勘體量奏讞糾察錄  
問則長貳治之而郎中員外郎分掌其事有司更  
定條法則覆議其當否凡聽訟獄或輕重失中有  
能駁正詔其賞罰若頒赦宥則糾官吏之稽違者  
分案十二置吏五十有二紹興後分案十二裁減

吏額置三十五人○侍郎南渡長貳互置隆興常置一員淳熙十六年依崇寧專法奏獄及法令事請大理寺官赴部共議之用侍郎吳博古之說也

○郎中員外郎分左右廳掌詳覆叙雪之事建炎三年刑部郎中以二員為額闕掌職事初無分異紹興二十六年詔依元豐舊法分廳治事先是右司汪應辰言刑部郎官分為左右左以詳覆右以叙雪同僚異事祖宗有深意倘初無分異則有不

當於理者孰為追改乞遵用舊制要使官各有守  
人各有見參而用之以稱欽恤之意從之仍令今  
後倣此○都官郎中員外郎掌徒流配隸凡天下  
役人與在京百司吏職皆有籍以攷其役放及增  
損廢置之數分案四置吏十有八建炎三年詔比  
部兼司門隆興元年詔都官比部共置一員自此  
都官兼比部司門之事分案五裁減吏額置十二  
人

淳熙十三年減三八

○比部郎中員外郎掌勾覆中外帳

籍凡場務倉庫出納在官之物皆月計季考歲會  
從所隸監司檢察以上比部至則審覆其多寡登  
耗之數有陷失則理納鈎考百司經費有隱昧則  
會問同否而理其侵負舊帳案隸三司熙寧五年  
置提舉帳司選人吏二百人驅磨天下帳籍并選  
官吏審覆七年二月詔帳司每歲具天下財用日  
出入數以聞元豐初年詔諸路財賦出入自今三  
年一供著為令官制行釐其事歸比部元祐元年

七月用司馬光奏悉總於戶部三年釐正倉部勾  
覆理欠滯由案及印發鈔引事歸比部分案五置  
吏百有一建炎以後或都官兼比部司門之事○

司門郎中員外郎掌門關津梁道路之禁令及其  
廢置移復之事應官吏軍民商販譏察其冒偽違  
縱者凡諸門啟閉之節及關梁餘禁以時舉行分  
案二置吏五

謹案宋制獄囚皆繫開封府司錄司及左右軍



巡三院蓋如今之順天府及五城司坊官法司  
僅平其獄牘未嘗置獄至熙寧九年神宗始命  
置大理獄而史志並無管獄之官疑即以司直  
主簿兼其任也至比部自唐宋而後專掌勾稽  
中外帳籍如今注銷錢糧職之並不關涉刑名  
說已具前然考李心傳建炎以來朝野雜記謂  
官禁歲取金銀錢帛率以百萬計雖有歲終比  
部驅磨之令然郎官第赴內東門司終日危坐

而數端自為會計郎官不得預畢事乃卷牘尾示之俾書名而已據此則比部未嘗能舉其職亦可以見當時冗濫之弊矣

章俊卿山堂考索勅令所宋差牢臣提舉詳定官以侍從之通法令者充刪定官於職事官內差兼王闢之澠水燕談錄祥符二年以京獄訟之繁懼有冤滯始置糾察在京刑獄司以省冤濫命知制誥周起侍御史趙湘為之凡在京師刑獄御史開

封府皆得糾之起慮抑屈者不能盡知乞許今糾  
察陳狀從之但不鞠獄○太宗慎刑罰淳化二年  
始置審刑院以覆大理奏案以近臣一人知院事  
設詳議六人擇京朝曉律常任法寺官者為之每  
奏一人從知院上殿得得賜緋故士大夫以審刑  
為朝官染院

江休復隣幾離志審刑奏案貼黃上更加撮白撮  
白上復有貼黃

謹案百官志元豐官制行審刑詳議糾察悉罷  
歸刑部卽所謂刑部郎中員外分左右廳左主  
詳覆右主叙雪之職也

遼

遼史百官志伊勒希巴

滿洲語伊勒希副也巴處所也原作夷島畢今改正

院掌刑獄○伊勒希巴○左伊勒希巴○右伊勒

希巴○知左伊勒希巴事○知右伊勒希巴事○

敝吏○選底掌獄

謹案遼世刑獄主之伊勒希已考遼史刑法志載道宗清寧四年詔左伊勒希已曰外路死刑雖已款伏仍令附近官司覆問有寃者即具以聞可見諸路獄訟皆歸決遣其職實如今之刑部至其時南面官僚內尚書六部多依唐典建置刑部長貳亦必備官然以史證之惟大理寺所掌較重故大理卿少如耶律儼劉仲之屬史皆稱其治獄詳允而刑部除授紀傳多未之及

殆以其僅存空名故畧而不載歟

金

金史百官志刑部尚書一員正三品侍郎一員正  
四品郎中一員從五品員外郎二員從六品一員  
掌律令格式審定刑名關津譏察赦詔勘鞠追徵  
給沒等事一員掌監戶官戶配隸訴良賤城門啟  
閉官吏改正功賞捕亡等事主事二員從七品  
史今五十一人內女直二十二  
人譯史五人通事二人  
架閣庫管勾一員正八

品掌刑工兩部架閣

大安二年以主事各兼

同管勾一員從

八品○獄丞一員從九品

屬御史臺

元

元史百官志刑部尚書三員正三品侍郎二員正

四品郎中二員從五品員外郎二員從六品掌天

下刑名法律之政令凡大辟之案覆繫囚之詳讞

等收產沒之籍捕獲功賞之式冤訟疑罪之辨獄

具之制度律令之擬議悉以任之世祖中統元年

以兵刑工為右三部置尚書二員侍郎二員郎中  
五員員外郎五員以郎中員外郎各二員專署刑  
部至元元年析置工部而兵刑仍為一部尚書四  
員侍郎仍二員郎中四員員外郎置五員三年復  
為右三部七年始別置刑部尚書一員侍郎一員  
郎中一員員外郎二員八年改為兵刑部十三年  
又為刑部二十三年六部尚書侍郎郎中員外郎  
定以二員為額大德四年尚書增置一員其首領



官則主事三員吏屬則蒙古筆且齊

解見吏部篇

四人

令史三十人回回令史二人克埒穆爾齊

解見吏部篇

一人知印二人秦差十人書寫三人典吏七人○

司獄司司獄一員正八品獄丞一員正九品獄典

一人初以右三部照磨兼刑部繫獄之任大德七

年始置專官部醫一人掌調視病囚○司籍所提

領一員同提領一員至元二十年改大都等路斷

沒提領所為司籍所隸刑部

謹案周禮秋官職金掌受士之金罰貨罰孔穎  
達疏謂斷獄訟者有疑即使出贖既言金罰又  
曰貨罰者出罰之家或時無金即出貨以當直  
也蓋職金主受贖錢故屬於司寇當為今刑部  
贓罰庫所自出特其職於金玉錫石丹青之政  
令本無所不掌非特罰贖一事與今顏料庫尤  
為相合今已專繫之戶部三庫篇內不復列於  
此表至自漢以後贖金所入未見專司唐六典

載侍御史之職有六其五曰贓贖李林甫註謂  
以年深之次者一人知西推贓贖事則以憲官  
兼之宋志載大理寺右治獄分四案其一曰左  
右寺案掌斷訖公事案後收理追贓等則又為  
吏人所掌初無定式惟元代司籍所雖主斷沒  
之籍不止贓贖而隸屬刑部猶得秋官職金遺  
意視今制之贓罰庫差為近之云

富大用事文類聚大元刑部掌律令格式審定刑

名奴婢配隸關津譏察城門啟閉之事置令史分  
掌名頭無專曹官

明

明史職官志刑部尚書一人

正二品

左右侍郎各一

人正三品其屬司務廳司務二人

從九品

浙江江西湖

廣陝西廣東山東福建河南山西四川貴州雲南

十三清吏司各郎中一人

正五品

員外郎一人

從五品

主事二人

正六品正統六年十三司俱增設主事一人成化元年增設四川廣西二司主

事各一人後革萬歷中又革湖廣照磨所照磨正  
陝西山東福建四司主事各一人

品檢校正九品各一人司獄司司獄六人從九品尚書

掌天下刑名及徒隸勾覆關禁之政令侍郎佐之  
十三司各掌其分職及兼領所分京府直隸之刑  
名照磨檢校照刷文卷計錄贓贖司獄率獄吏典  
囚徒凡軍民官吏及宗室勲戚隸於法者詰其辭  
察其情偽傳律例而比議其罪之輕重以請詔獄  
必據爰書不得逢迎上意凡有殊旨別敕詔例榜

例非經請議著為令甲者不得引比凡死刑即決  
及秋後決並三覆奏兩京十三布政司死罪囚歲  
讞平之五歲請敕遣官審錄冤滯霜降錄重囚會  
五府九卿科道官共錄之矜疑者戍邊有詞者調  
所司再問比律者監候夏月熟審免笞刑減徒流  
出輕繫遇歲旱特旨錄囚亦如之凡大祭止刑凡  
贖罪視罪輕重斬絞雜犯徒未減者聽收贖詞訴  
必自下而上有事重而迫者許擊登聞鼓四方有

大獄則受命往鞠之四方決囚遣司官二人往洎  
凡斷獄歲疏其名數以聞曰歲報月上其拘釋存  
亡之數日月報獄成移大理寺覆審必期平允凡  
提牢月更主事一人修葺囹圄嚴固扃鑰省其酷  
濫給其衣糧囚病許家人入視脫械鎖醫藥之簿  
錄俘囚配沒官私奴婢咸籍知之官吏有過並紀  
錄之歲終請泐滌之以名例攝科條以八字括辭  
議

以准皆各  
其及即若

以五服參情法以墨湮識盜賊籍產

不入瑩墓籍財不入支度宗人不即市宮人不即  
獄悼耄疲瘡不即訊洪武元年置刑部六年增尚  
書侍郎各一人設總部比部都官部司門部部設  
郎中員外郎各二人惟都官各一人總部比部主  
事各六人都官司門主事各四人八年以部事浩  
繁增設四科科設尚書侍郎郎中各一人員外郎  
二人主事五人十三年設尚書一人侍郎一人仍  
分四屬部部設郎中員外郎各一人總部比部主



事各四人都官司門主事各二人尋增侍郎一人

始分左二十二年改總部為憲部二十三年分四  
右侍郎

部為河南北平山東山西陝西浙江江西湖廣廣

東廣西四川福建十二部

浙江部兼  
領雲南

部各設官如

戶部之制二十九年改為十二清吏司永樂九年

以北平為北京十九年革北京司增置雲南貴州

交趾三司宣德十年革交趾司遂定為十三清吏司

謹案明制凡五歲請敕遣官出京府兩京十三

省審錄謂之恤刑歲盡遣主事往關內江南江北涖殺謂之審決

國朝順治初尚沿其制歲遣三法司堂上官至直隸審決十四年改遣司屬康熙五年停止而恤刑郎中員外郎各差亦於康熙初裁省焉

又按明一代弊政莫甚於廠衛詔獄以刑名重任寄之武夫宦寺肆情生殺屠僂忠良其惡殆過漢之黃門北寺而履霜有自實起於今內監

審獄獄囚俾得以擅作威福史稱成化以後凡  
大審錄太監齎敕張黃蓋於大理寺為三尺壇  
中坐三法司左右坐御史郎中以下捧贄立唯  
諾趨走惟謹三法司視成案有所出入輕重俱  
視中官意不敢少忤以刑餘小豎輒敢凌鏢卿  
貳指揮郎吏竟無一人能與抗爭不獨褻侮班  
聯而刑獄之失中其流弊更難究詰我

國家明罰敕法慎重邦刑凡秋錄大典會讞上

聞皆

親覽要辭

宣召大臣再三審覈然後麗之於辟

權衡至正明允咸孚固非中官所得參決而內監等  
之給事

禁掖者自灑掃使令以外其他亦從未能干預絲  
毫官府肅清歷代積弊至今日而祛除實盡矣

欽定歷代職官表卷十三

欽定四庫全書

史部

欽定歷代職官表卷十六

四至

主事臣尹壯圖覆勘

纂修兼校勘候選知縣臣范 澐

膳 錄 監 生臣朱文鼎













屯田司主事 節慎庫郎中 外郎 節慎庫司庫使

屯田主事  
屯田主事

工部屯田清吏司主事

監管節慎庫郎中 外郎

節慎庫大使







	式	帖	筆	務	司
			全史		
			史南書全史		
			尚書全史		
			舊全史		尚書都 今史
			正全史		
			尚書全史		
			諸史		尚書都 今史
			舊全史		
			正全史		
			尚書工部書工 郎瑛書部全史		尚書工部書石 郎瑛書部全史
			全史		
			舊全史		
			尚書工部書工 郎瑛書部全史		六部監 門官
			守當官		尚書石 司部事
			真全史		
			譯史		右司部石司部工部司 事
			全史		右三 務廳司
			於古高		照唐
			馮		



工部上

國朝官制

工部尚書滿洲漢人各一人

掌天下工虞器用辨物庀材以飭邦事所屬有營繕虞衡都水屯田四清吏司

國初設工部滿洲承政二員蒙古承政一員漢人承政一員滿洲叅政八員啟心郎一員尋又增設漢人叅政二員蒙古叅政二員漢人啟心郎二員崇

德三年改設承政一員左叅政二員右叅政三員  
順治元年改承政為尚書無定員五年定設滿洲  
漢人尚書各一人雍正元年以來以親王郡王大  
學士兼理部務皆由

特簡不恒置

左右侍郎滿洲漢人各一人

掌綜事訓工以貳尚書順治元年定額滿漢右侍

郎兼管理錢法堂事務

詳見戶工二  
部錢局篇

營繕清吏司郎中滿洲四人蒙古一人漢人一人員外郎滿洲五人漢人一人主事滿洲二人蒙古一人漢人二人

掌膳治

壇

廟官府城垣倉庫廨宇營房辨飭物材而司其禁令凡工作之籍以時會而上之

國初置工部理事官九員副理事官十二員額者庫

二員順治元年改設滿洲郎中八人蒙古郎中一人滿洲員外郎九人蒙古員外郎三人滿洲主事四人漢軍郎中二人員外郎六人十二年增設滿洲郎中九人員外郎十人康熙二十二年增設滿洲主事每旗各一人三十八年省蒙古郎中員外郎額闕又省漢軍員外郎四人五十七年復設蒙古郎中一人員外郎一人增設蒙古主事一人雍正五年省漢軍郎中員外郎額闕滿洲司屬初不

分曹聽委於其長後始定額如令制漢人司屬則  
自順治元年即隨曹置額初設營繕司郎中二人  
員外郎二人主事六人虞衡司郎中一人員外郎  
二人主事三人都水司郎中一人員外郎二人主  
事十有一人屯田司郎中一人員外郎一人主事  
三人十四年增營繕司主事三人十五年省營繕  
司郎中一人營繕都水虞衡三司員外郎各一人  
都水司主事一人十六年省營繕司主事二人十

八年復設營繕司郎中一人康熙元年仍省又省  
營繕司主事一人六年營繕虞衡屯田三司又各  
省主事一人都水司四人十一年增都水司員外  
郎二人尋省十二年又省都水司主事四人

虞衡清吏司郎中滿洲四人漢人一人員外郎滿洲四  
人蒙古一人漢人一人主事滿洲三人漢人一人

掌山澤採捕及陶冶器用修造權衡武備之事若  
葦席竿繩之屬則儲以待用應時而給之

都水清吏司郎中滿洲五人漢人一人員外郎漢洲五人漢人一人主事滿洲四人漢人二人

掌河防海塘及直省河湖淀泊川澤陂池水利之政令凡道路之平治橋梁之營葺舟楫之制度咸總而舉之歲十有二月則藏冰夏而出之以供祭祀

官府之用焉

屯田清吏司郎中滿洲四人漢人一人員外郎滿洲五

人漢人一人主事滿洲三人漢人二人

掌修

陵寢大工及王公百官墳塋之制凡大祭祀則供其薪炭百司歲給亦如之工匠之餼於官及以時和顧者皆量其功役而為之程度焉

節慎庫郎中員外郎滿洲各一人司庫滿洲二人庫使滿洲十有一人

掌出納金錢月要歲會以上其數郎中員外郎俱



於各司屬中簡調一年而代初設有漢人大使一人順治十五年省

製造庫郎中滿洲二人漢人一人司匠滿洲二人

初制七品

康熙九年定為從九品

司庫滿洲二人庫使滿洲二十有二人

掌政治金革所領銀工之屬十有二鍛工之屬九皮工之屬十有三繡工之屬五甲工之屬八凡車輅儀仗之制展采備物皆辨其名數而供之初置滿洲郎中一人員外郎二人後省員外郎而增置

滿洲郎中一人漢人郎中初以虞衡司員額管製造庫事乾隆十九年改為製造庫郎中皆於本部司官內遴選補授

料估所司員滿洲漢人各三人

掌審曲面勢量丈尺權物價計庸直以授成於督工之官工竣則覆覈之皆於本部司員內簡委一年而代

琉璃窑監督滿洲漢人各一人

掌陶琉璃器具按其模式辨其等差以供

大工之用順治初專差漢人司官康熙元年改差滿洲漢人司官各一人一年而代

木倉監督滿洲漢人各一人

木倉在天安門右千步廊外凡各省歲輸木材自張家灣運京者謹其儲峙以待各工順治初專委滿洲司官一人康熙六十年改定以滿漢司官各一人管理二年而代

皇木廠監督滿洲一人

木廠初設於通州及張家灣各遣筆帖式二人驗收運京木材康熙二十六年停遣筆帖式通州廠以通惠河分司主之尋改歸通永道張家灣廠本部遣滿洲司官一人管理凡運木至水次部委官驗視如式則令監督受之核其數以運入木倉一年而代

管理街道廳御史一人本部司員一人步軍統領衙門

司員一人

掌平易道塗清理溝洫歲時相度疏濬滌泥潔潦  
以利車馬初委本部司官滿洲漢人各一人乾隆  
三十一年定制令都察院掄選御史二人工部步  
軍統領衙門各掄選司屬二人引

見簡派以專責成一年而代

堂主事滿洲三人漢軍一人

掌章奏者滿洲一人漢軍一人掌案牘者滿洲二

人俱順治元年定額

司務廳司務滿洲漢人各一人

順治元年定額

職事見吏部篇

筆帖式滿洲九十三人蒙古二人漢軍十有二人

滿洲筆帖式初置九十人後增設三人蒙古筆帖

式雍正十二年置額漢軍筆帖式初置十四人後

省二人俱分隸各司視事之繁簡以為額

職事見吏部篇

謹案工部舊設營繕所所正一員所副一員俱

順治十五年省所丞二員順治十四年置以一員管清江甄廠一員管臨清甄廠尋省臨清廠一員清江廠一員中罷復置雍正四年俱省又舊沿明制有文思院廣積庫柴炭司通州抽分竹木局大使各一員後俱省又初設有柴薪正副監督各一人以本部司官充煤炭監督二人一以本部司官兼攝一以內務府司官兼攝掌預時給直採取薪炭以儲

內庭之用乾隆四十六年以其事併歸內務府經理焉

歷代建置上

三代

尚書舜典舜曰咨四岳有能奮庸熙帝之載使宅百揆亮采惠疇食曰伯禹作司空帝曰兪洛禹汝平水土惟時懋哉帝曰疇若予工食曰垂哉帝曰兪洛垂汝共工垂拜稽首讓於殳斨暨伯與帝曰



俞往哉汝諧帝曰疇若予上下草木鳥獸俞曰益  
哉帝曰俞咨益汝作朕虞益拜稽首讓於朱虎熊  
羆帝曰俞往哉汝諧

謹案司空為冬官之任肇自虞廷然以今工部  
所掌按之則實即垂所為之共工一官而不盡  
出於司空之職鄭康成註考工記謂司空掌營  
城郭建都邑立社稷宗廟造宮室車服器械監  
百工者唐虞以上曰共工據此事司空即共工

之官而改其名者賈公彥疏申鄭之義謂堯初  
各官為共工舜舉禹治水改命司空以官異之  
禹登百揆後復為共工其說甚鑿然不見於他  
書未足依據嘗考司空命名之義孔安國謂主  
國空土以居民

見尚書傳

顏師古謂空穴也古人穴

居主穿土為穴以居人

見漢書百官公卿表注

白虎通則

云司空主土不言土言空者空尚主之何況於

實

見白虎通封公侯篇

諸書所釋雖互有異同要其職皆

在於平治水土度地居民而並不及乎辨器飭材之事故尚書大傳謂溝瀆過水為害田廣不墾則責之司空而家語亦謂孔子為司空別五土之性而物其所生之宜是知司空所主者在乎辨方正位體國經野之大猷而百工之事乃特其兼屬而初非本職此司空與共工虞廷所以分為兩官也周禮冬官既闕其制不詳漢世司空但主四方水土功課而繕修攻錯之工則

分屬之將作少府尚為不失遺意唐宋以後工部專司工作而共工始合於司空又以虞曹隸屬工部而山澤之掌亦歸其統轄虞廷九官遂合伯禹及垂益所掌而一之工部四司實兼有司空共工虞官之職事矣今以舜典經文錄冠三代之首用明緣起而歷代建置分合之故則隨條附考如左

杜佑通典高元孫之子曰冥為夏司空

禮記孔穎達疏鄭註大傳夏書所謂六卿有共工  
謹案尚書肩征工執藝事以諫當即指共工之  
官蓋百工各執其藝而共工為之長也又儀禮  
覲禮云嗇夫承命告於天子鄭康成注嗇夫司  
空之屬考周禮無此官惟肩征有嗇夫馳之文  
則亦當出於夏制然孔安國傳以為主幣之官  
與覲禮所言又頗不相合案左傳稱司空以時  
平易道路國語稱司空視塗嗇夫為田畯之官

見詩甫田篇鄭箋若漢之鄉嗇其職本在郊畿夫職聽訟收賦稅與三代不同

以外疑諸侯入覲時嗇夫實有除道之責如野廬環人者比故屬於司空孔傳主幣之說特以意揣測而言之耳

夏小正十有二月虞人入梁傳虞人官也梁者主設罟罟者也

謹案此即伯益所掌之虞官至夏世而其職較輕者益益當洪水之後山林川澤皆未能得所

故以益平治之與禹平水土殆相為表裏三代以降則不過掌其禁令以與民共之而已

禮記曲禮天子之五官曰司空

鄭康成註此亦殷時制也

天子

之六工曰土工金工石工木工獸工草工典制六

材鄭康成註此亦殷時制也周則皆屬司空土工陶旒也金工築冶鳧鼎段桃也石工玉人替人

也木工輪輿弓廬匠車梓也獸工函鮑鞞韋裘也惟草工職亡蓋謂作萑葦之器

尚書洪範三八政四曰司空孔穎達疏司空掌居

民之官

尚書序咎單作明居孔穎達疏馬融曰咎單為湯司空

禮記王制司空執度度地居民山川沮澤時四方量地遠近興事任力

詩大雅乃召司空朱子集傳司空掌營國邑

尚書立政司徒司馬司空亞旅孔安國傳此有三卿是文武未伐紂舉文武之初以為法則

尚書周官司空掌邦土居四民時地利



尚書孔安國傳司空第六毛公領之

春秋定公四年左傳聘季為司空

周禮地官鄉師執蠹以與匠師治役鄭康成註匠師事官之屬其於司空若鄉師之於司徒也鄉師主役匠師主衆匠賈公彥疏地官之考稱鄉師春官之考稱肆師秋官之考稱士師此經鄉師是司徒考明匠師亦是司空考故云其於司空若鄉師之於司徒

天官大宰設其考鄭注云考成也佐成事者謂宰夫鄉師肆師軍司馬士師也

司空亡未聞其考賈疏云匠師司空之考而云未聞者以義約之無正文故也

儀禮大射儀工人士與梓人度尺而午鄭康成註

工人士梓人皆司空之屬

王應麟曰工人士能正方圓者

謹案周禮事官之屬已亡其職制不可復見惟

太宰謂建其正立其貳設其考者五官之數並

同則冬官當亦無異以例推之知為大司空卿

一人小司空中大夫二人匠師下大夫四人上

士八人中士十六人旅下士三十二人若府史

胥徒則五官已有參差未可臆定矣至儀禮之梓人已見考工記而工人士能正方圓即所謂審曲面勢之事今工部之料估所蓋其職也

周禮考工記輪人為輪為蓋輿人為車輶人為輶築氏為削冶氏為殺矢桃氏為劍鳧氏為鐘鼎氏為量段氏為錡函人為甲鮑人為鞞韋氏為韋氏畫績之事筐人幌氏玉人珣人雕人磬氏為磬矢人為矢陶人為甗旒人為簋梓人為筍虞為飲器

為侯廬人為廬器匠人建國營國為溝洫車人為

耒為車弓人為弓

鄭成康註事官之屬六十此職其五材之十工畧記其事耳其

曰果人者以其事名官也其曰其氏者官有世功若族有世業以氏名官者也

謹案司空之職在居四民時地利故凡田萊溝

洫都邑涂巷市井室廬以至桑麻穀粟之所出

山澤林麓之所生其法式皆當屬之事官太宰

六典小宰六職其於事典事職皆曰以富邦國

而鄭康成亦謂司空掌邦事所以富充國家使

民無空土與之周禮訂義亦云如衛文公務材  
訓農通商惠工馴致殷富盖得事典遺意冬官  
職守昭然可見若考工記所載止百工之事雖  
本司空一屬而不可遂以補冬官之闕且諸工  
尚當各有官以統之亦不可謂工即為官今故  
但節叙大畧於此不復著之於表

禮記月令命工師令百官審五庫之量鄭成康註  
工師司空之屬官也

孔穎達疏周禮無工師知是  
司空屬官者以司空掌工巧

此稱工巧師長  
故知司空之屬

謹案匠師工師鄭康成皆以為司空之屬而職掌則未之詳以義推之匠師即後世大匠之職蓋掌營建國邑宗廟者魯匠師慶諫丹楹刻桷此即其證當如今之營繕司工師主工巧則掌造作器物者故月令又有命工師效功按度程必功致為上之文當如今之製造庫也

春秋襄公二十五年左傳昔虞閼父為周陶正杜

預註當周之興闕父為武王陶正

謹案列仙傳稱甯封子為黃帝陶正其說荒誕不足信然亦可見搏埴之工其來已久蓋即考工記之陶人如今之琉璃窯監督也

周禮秋官條狼氏下士六人胥六人徒六十人鄭康成註杜子春云條當為滌器之滌除也狼狼扈道上

賈公彥疏狼扈道上者謂不獨之物在道猶令言狼藉也

謹案周禮野廬氏達國道路至於四畿而遂師

巡其道修候人掌其道治皆在野外至國中之  
道路則條狼氏專司焉滌除狼扈而使之潔清  
正如今街道廳之職也

周禮地官山虞每大山中士四人下士八人府二  
人史四人胥八人徒八十人中山下士六人史二  
人胥六人徒六十人小山下士二人史一人徒二  
十人掌山林之政令物為之厲而為之守禁

鄭康成註

虞度也度知山之大小及所生者林衡每大林麓下士十有二人



史四人胥十有一人徒百有二十人中林麓如中山之虞小林麓如小山之虞掌巡林麓之禁令而

平其守若斬木材則受灋於山虞而掌其政令

鄭康

成註衡平也平林麓之大小及所生者

川衡每大川下士十有二人

史四人胥十有二人徒百有二十人中川下士六

人史二人胥六人徒六十人小川下士二人史一

人徒二十人掌巡川澤之禁令而平其守澤虞每

大澤大藪中士四人下士八人府二人史四人胥

八人徒八十人中澤中藪如中川之衡小澤小藪  
如小川之衡掌國澤之政令為之厲禁

謹案國語齊語山立三虞澤立三衡三虞者大  
山大林麓中山中林麓小山小林麓三衡者大  
川大澤藪中川中澤藪小川小澤藪當時侯國  
之制並同蓋皆以官分地而巡守之故非一職  
正如漢之郡國都水官後世於尚書立虞部明  
改曰虞衡其名雖沿周官之舊而實則稍殊然

掌山澤採捕之禁令則固未之有改也今以山  
虞以下四職著之於表以明權輿所自至虞人  
又為田獵之官周禮所謂山虞萊山田之野澤  
虞萊澤野以致禽而珥者其職正與今圍場總  
管相近今亦並從互見焉

周禮夏官司險中士二人下士四人史二人徒四  
十人設國之五溝五涂而樹之林以為阻固皆有  
守禁而達其道路

周禮天官凌人下士二人府二人史二人胥八人徒八十人掌冰正歲十有二月令斬冰三其凌春始治鑑夏頒冰掌事秋刷

謹案司險掌設五溝五涂杜佑以為即後世冰部之職所自出今並繫之於表至納冰之制唐宋掌之禮部今則改屬工曹故凌人一官亦著之都水司沿革云

唐六典工部尚書周之冬官卿侍郎周之小司空

中大夫也大司空屬官有下大夫蓋郎中之任地  
官有山虞澤虞蓋虞部之職也

秦

杜佑通典秦有將作少府掌治宮室

謹案自六官之制既廢秦漢始設九寺大卿以  
統庶事逮隋唐復建六部而寺監之官仍相沿  
並置故有戶部復有司農寺有禮部復有太常  
寺有兵部復有太僕寺有刑部復有大理寺是

皆周司徒宗伯司馬司寇之職事而分析別領於他官者也惟工官之任歷代雖有將作都水二監而明代即併入工部至今仍之別無分署故今之營繕都水二清吏司實兼有此二監之職謹並繫之工部沿革以明官制分合之由至大匠少匠大監少監諸官其品位不參八座未可以當冬官卿貳故不列於表而左右校甄官署諸令丞則仍按曹司分屬說具於後

漢

章俊御山堂考索漢成帝綏和元年御史大夫改為大司空後漢以司空為三公

後漢書百官志司空公一人掌水土事凡營起城邑浚溝洫修墳坊之事則議其利建其功凡四方水土功課則奏其殿最而行賞罰

謹案漢司空所掌雖亦本三代事官舊典然當時備位三公乃宰相之職與後世工部之列六

尚書者不同今故繫之內閣表內其魏晉以後  
司空之官俱視此例別詳內閣篇云

鄭樵通志漢成帝置尚書郎四人其一人主戶口  
墾田蓋尚書屯田之始也

通典成帝初置尚書有民曹後漢光武改主繕修  
功作鹽池園苑

漢書百官公卿表將作少府有兩丞左右中候景  
帝中六年更名將作大匠屬官有石庫東園主章



左右前後中校七令丞

如淳曰章謂大材也舊章作大匠主材吏名章曹掾

師古曰東園主章掌大材以供東園大匠也

又主章長丞

師古曰掌凡大木也武

帝太初元年更為東園主章為木工成帝陽朔三年省中候及左右前後中校五丞

後漢書百官志將作大匠一人二千石掌修作宗廟路寢宮室陵園木土之功并樹桐梓之類列於道側丞一人六百石左校令一人六百石掌左工徒丞一人右校令一人六百石掌右工徒丞一人

太平御覽將作大匠世祖以謁者領其官章帝建初元年乃置其位次河南尹

謹案將作大匠即唐虞共工之官正當今工部營繕司之職其所屬東園主章令丞主章長丞專掌木材則如今之木倉及皇木廠監督至左右校專主工役則亦如今營繕司及後漢書蘓不韋傳載李嵩為大司農右校芻廩在寺北垣下不韋潛入廩中云云則又如今之有柴薪廠

也

漢書百官公卿表大常屬官有都水長丞

如淳曰律都水

治渠堤水門三輔黃圖云三輔皆有都水也

水衡都尉都水長丞屬焉

後漢書百官志郡有都水官隨事廣狹置令長及

丞

唐六典漢成帝以都水官多置左右使者各一人

劉向護左都水使者是也至哀帝罷之後漢省都

水以屬郡國而置河隄謁者五人

通典漢有都水長丞主陂池灌溉保守河渠自太常少府及三輔等皆有其官

謹案都水之官實昉於漢而命名之義則史未之詳考尚書禹貢大野既豬彭蠡既豬滎波既豬史記夏本紀皆作既都被孟豬則作被明都注引鄭康成云南方謂都為豬孔安國曰水所停曰豬字彙補曰都水所聚也是都豬二字相通蓋都水之職在固隄防障陂澤故取周官稻

人以豬蓄水之義以為名也其事關邦土正司  
空所掌之一端而漢代都水屬水衡太常晉以  
後別為都水臺及都水監俱各置官僚宋世雖  
併入工部旋又復置至明始罷其職今取歷代  
建置本末具載於篇以明都水司職守所自至  
漢水衡都尉雖以衡官為名而所司乃林苑池  
籩當如今奉宸苑之職今故別繫諸內務府表  
內焉

漢書百官公卿表少府有考工室東園匠令丞武

帝太初元年更考工室為考工

臣瓚曰冬官為考工主作器械也

後漢書百官志考工令一人六百石主兵器及織

綬諸雜工左右丞各一人屬太僕

謹案漢之考工令丞及東園匠令丞主作器具

雜物蓋如今製造庫之職也

周禮鄭康成註比較治道者名若今次金叙大功

賈公彥疏漢時主役之官官名次金叙主以丈尺

賦功

謹案次金叙不見於漢書其職主以丈尺賦功則當如今工部之料估所矣

唐六典註後漢將作大匠屬官有前後中甄官令丞

謹案後漢百官志無甄官令丞唐六典未知何據然考三國吳志孫堅傳堅軍城南甄官井上旦有五色氣堅令人入井探得傳國璽則後

漢實有是官蓋如今之琉璃窯監督也

三國

通典漢民曹主繕修功作魏置左民尚書亦領其  
職

謹案漢民曹尚書魏左民尚書雖主繕修工役  
之事而其名實為民部所承非工曹沿革今俱  
繫諸戶部表內不列於此

宋書百官志魏世有虞曹水部郎



冊府元龜魏九卿與漢同惟并將作之左校於材  
官又以水衡都尉主天下水軍舟船器械

唐六典後漢有材官校尉魏并左校於材官署

謹案魏晉以後之材官校尉材官將軍其職專  
掌營繕故取材木之義以為名非若漢書所謂

材官騎士也

漢書高祖紀巴蜀材官張宴  
註材官有材力者與此不同

又通

典稱魏并左校右校入材官而唐六典冊府元  
龜但言并左校是魏世尚有右校令矣通典殆

誤衍一右字歟

晉

馬端臨文獻通考晉始有屯田尚書及太康中謂之田曹後復為屯田

晉書百官志晉受命武帝置虞曹屯田起部水部曹郎及江左無屯田郎康穆以後又無虞曹郎但有起部水部曹郎後又省光祿勳統東園匠令

唐六典晉將作大匠置功曹主簿五官等員掌土

木之役過江後不常置少府屬官有左校無右校其職蓋并於左校又改材官校尉為將軍後復罷左校令又少府領甄官署令掌磚瓦之任又有甄官丞

晉書百官志都水使者漢水衡之職也漢有都水長丞屬太常東京省都水置河隄謁者魏因之及武帝省水衡置都水使者一人以河隄謁者為都水官屬及江左省河隄謁者置謁者六人

通典晉省水衡置都水臺掌舟航及運部元康中

復有水衡都尉

元康百官名及晉起居注曰陳慎戴熊都以都水使者領水衡都尉

謹案自魏以水衡主舟船器械晉則都水使者

兼領之亦主舟航運部正如今工部虞衡都水

二司之職與漢制不同故並附著於此

宋齊梁陳

通典晉宋以來有起部尚書不常置每營宗廟宮

室則權置之事畢則省以其事分屬都官左民尚

書

孫遜吉職官分紀宋高祖始置水部起部曹郎

南齊書百官志度支尚書領起部曹都官尚書領  
水部曹起部尚書興立宗廟權置事畢省

唐六典宋齊左氏郎中兼知屯田事梁陳並為侍  
郎

隋書百官志梁尚書省置虞曹起部屯田水部等  
郎陳承梁皆循其制官

宋書百官志將作大匠一人丞一人有事則置無  
則省材官將軍一人司馬一人主工匠土木之事  
漢左右校令其任也魏右校又置材官校尉主天  
下材木事晉江左改材官校尉曰材官將軍又罷  
左校令令材官隸尚書起部及領軍

南齊書百官志將作大匠不常置掌宮廟土木材  
官將軍一人司馬一人屬起部亦屬領軍

隋書百官志梁天監七年以將作大匠為大匠卿

掌土木之工統左右校諸署陳大匠卿品第三  
冊府元龜梁大匠卿班第十又置丞一人班第三  
又置將作營作又別立長史司馬主簿各一員  
唐六典宋齊梁陳有左校令丞別置材官將軍司  
馬右校令丞宋齊梁陳皆無

謹案唐六典稱齊宋梁陳無右校杜氏通典亦  
同而隋書百官志乃謂梁大匠卿統左右校與  
六典不合疑隋書誤也又案南齊書王敬則傳

高帝將受禪材官薦易太極殿柱王延之傳宋  
明帝即勅材官為起三間齋屋梁書謝朓傳朓  
到京師勅材官起府於舊宅良吏沈瑀傳宋明  
帝使瑀築赤山塘所費減材官所量數十萬是  
當時興築修濬之役多以屬之材官實兼有今  
營繕都水二司之職事矣

王應麟玉海宋齊有陶官

唐六典宋齊有東西陶官瓦署督各一人



隋書百官志梁少府置甄官署令丞又細作令作  
堂金銀局丞木局丞湖西磚屯丞湖東磚屯丞為  
三品蘊位

謹案江左諸朝惟梁官制稍備其甄官令本承  
漢晉之舊而磚屯丞並掌埴埴亦當如今琉璃  
窯監督至木局丞當如今之木倉監督細作令  
作堂金銀局丞則當如今之製造庫矣

通典宋孝武帝初省都水臺罷都水使者置水衡

令孝建元年復置

冊府元龜齊復置都水臺使者一人梁改都水使者為大舟卿又置丞主簿陳如梁制

隋書百官志梁大舟卿主舟航隄渠

北魏

魏書官氏志太和十五年置司空虞曹官

唐六典後魏有起部郎中屯田郎中虞曹郎中水

部郎中

冊府元龜魏將作大匠從第二品後降為第三品  
其丞第五品後降為從五品下分建都水使者正  
第四品中水衡都尉從五品中後改都水使者從  
五品而省水衡又有都水參軍六人

謹案魏書李靈傳靈孫道官尚書度支郎遷洛  
為營構將又韋閭傳天水姜昭為營構都將又  
李彪傳李忠為永寧寺典作副將其名俱不見  
於史志疑因工作暫置之官正如今之管理工

程大臣及監督也又高道悅傳稱洛京廟庫未  
構高祖將水路幸鄴詔都水回營構之材以造  
舟楫是魏世都水使者亦主舟航蓋尚沿晉制  
矣

北齊

隋書百官志後齊尚書省祠部統虞曹

掌地園山  
川遠近園

園田獵殺膳  
雜味等事屯田

掌耕田諸州  
屯田等事

起部

掌諸興造  
工匠等事

都

官統水部

掌舟船津梁  
公拉水事

郎中並一人虞曹量事置

掌故主事員○都水臺管諸津橋使者二人參事  
十人又領都尉合昌坊城等三局尉皆分司諸津  
橋○太府寺統細作左校甄官等署令甄官署又  
別領石窟丞○將作寺掌諸營建大匠一人丞四  
人亦有功曹主簿錄事員若有營作則立將副將  
長史司馬主簿錄事等各一人

謹案北齊都水臺但管津橋是歷代所為舟航  
堤渠之職掌已漸移於水部矣

後周

太平御覽後周書曰冬官謂之大司空掌邦事以五材九範之法佐皇帝富邦國

文獻通考後周有工部中大夫二人承司空之事掌百工之籍而理其禁令

通典後周官品正七命大司空正六命小司空上大夫正五命冬官工部匠師司木司土司金司水等中大夫正四命地官虞部下大夫冬官小匠師

小司木小司土小司金小司水小司玉小司皮小司色小司織司卉等下大夫正三命地官小虞部上士冬官工部小匠師內匠外匠掌材小司木小司土小司金鍛工函工小司水典璫小司玉小司皮小司色小司織小司卉等上士正二命地官山虞澤虞林衡川衡等中士冬官工部內匠外匠司量司準司度掌材車工角工彝工器工弓工箭工盧工復工陶工塗工典升冶工鑄工鍛工函工雕工典璽掌

津舟工典魚典羸翅工磬工石工裘工履工鞞工  
鞞工韋工織絲織綵織帛織組竹工籍工罍工紙  
工等中士正一命地官山虞澤虞林衡川衡等下  
士冬官工部旅司量司準司度掌材車工角工彝  
工器工弓工箭工盧工復工陶工塗工典升冶工  
鑄工鍛工函工雕工典璽掌津舟工典魚典羸翅  
工磬工石工裘工履工鞞工鞞工韋工膠工犂工  
績工漆工油工并工織絲織綵織帛織組竹工籍



工器工紙工等下士

謹案後周仿周禮設官其冬官之屬最為繁冗以今制準之約畧可見者如營繕司本司空之考而在唐宋為頭司當有匠師工部之職虞衡司本出虞部而今制兼掌鼓鑄兵器造車及作度量權衡之事則又當有鍛工函工冶工鑄工車工司量司準司度之職都水司蓋即司水而兼主船政織造則又當有掌津舟工司織司

弁之職屯田司令主匠役則當有內匠外匠之職至司木掌材如木倉監督陶工如琉璃窯監督而令之製造庫所掌工作較多則凡司玉司皮司色雕工韋工膠工髹工績工之屬皆其職矣

隋

隋書百官志高祖受命置尚書省工部尚書統工部屯田侍郎各二人虞部水部侍郎各一人都水

臺使者及丞各二人叅軍三十人河堤謁者六十人錄事二人領掌船局都水尉二人又領諸津上津每尉一人丞二人中津每尉丞各一人下津每典作一人津長四人太府寺統甄官署令二人丞四人將作寺大匠一人丞主簿錄事各二人統左右校署令各二人丞左校四人右校三人各有監作左校十二人右校八人開皇三年廢都水臺入司農十三年復置都水臺二十年改將作寺為監

以大匠為大監初加置副監煬帝即位尚書六曹  
各置侍郎一人以貳尚書之職諸曹侍郎並改為  
郎又改工部為起部郎以異六侍郎之名將作監  
改大監少監為大匠少匠統左右校及甄官署又  
改大匠為大監少匠為少監又改監少監為令少  
令都水監改為使者統舟楫河渠二署又改使者  
為監加置少監又改監少監為令少令

通典至隋乃有工部尚書蓋因後周工部之名兼

前代起部之職

謹案工部自隋代始列六曹而其時營建工作

尚多領之少府將作

少府始今內務府將作則今營繕司

故以巧

藝著名如宇文愷劉龍閻毗何稠雲定興等皆

嘗官將作監而宇文愷傳又稱其為營宗廟副

監營新都副監營東都副監則皆因事特置如

今之

欽定管理工程大臣非常制也又何稠傳稱高祖為

丞相以調掌細作署蓋即梁齊之細作令而隋  
志無其官殆後經裁併歟

欽定歷代職官表卷十四